

【教你收兵】中大商學院：「欲擒故縱」何時能提升對異性的吸引力？

 hk.finance.appledaily.com/finance/realtime/article/20180517/58204245

好多人都話，愈容易得到的，就愈不去珍惜。所以喺坊間唔少戀愛專家都話，女仔面對男仔嘅追求，要採取「欲擒故縱」策略，即係吊高嚟賣，懶矜持呢類招數，咁先可以食住對方。

OK，我知，呢度係財經版，要講財經嘢係咪？話說中大商學院最新發表研究報告，題目係《在甚麼情況下，『欲擒故縱』能夠提升對異性的吸引力？》。你有睇錯，係真係商學院嘅研究。經過研究團隊，精心策劃心理模擬、同埋實際Speed Dating實驗後發現，只有當個男仔，本身已經喺心理上願意向對象付出（可能係有心理準備去做兵），咁樣女方「吊高嚟賣」呢個策略先會勁有效，更能夠進一步激發追求一方更積極進取。不過，假如個男仔本身都有諗住點付出，咁「故作矜持」嘅女仔，同「易於親近」嘅女仔比較，後者更加能激發個男仔更進取去追。此外，研究報告又話，無論參加者心理上是否願意付出，「易於親近」嘅女仔，總會獲得較高的情感評分。全球樓行 Dream House 零距離
<https://hk.feature.appledaily.com/overseasproperty> 